

渾源州續

卷

三  
四





渾源州續志卷三

學校三

列女上

渾源州續志

卷三

目錄

一



渾源州續志

調署渾源州知州豫章賀澍恩纂修

列女

上

夫松柏勁正不爭桃李之芳冰雪嚴凝詎絢雲霞之采在易坤道成女含章守貞或激而爲義烈或發而爲孝慈闡揚幽隱扶植綱維守土弗亟責將焉道第採訪不厭其博紀列惟求其實志乘所以傳信也茲自乾隆癸未以後續列入百七十八人其有前志所載未及旌顯者并於此次補詳庶得永光泉壤云爾

渾源州續志

卷三

列女上

一

續列女

國朝歷年奏旌烈婦

邢周裔妻李氏儒家女也素知大義夫歿氏晝夜涕泣水漿併絕家人進以食氏曰吾尙欲苟全性命耶三日棺殮畢夜自縊柩側

仝恒潤妻李氏夫歿氏痛夫情切誓以身殉絕粒數日猶以不速死爲恨遂服毒自盡距夫歿僅八日張廷妻翟氏年二十歲廷負薪墜崖隕命氏聞變奔赴輒以身殉救獲免旣葬氏悲痛至失明或勸



再嫁因毀容斷髮越六日不食而死

張浩妻韓氏浩客死他鄉柩還氏痛哭誓不獨生營葬事畢服毒而死時年二十七

武生龔正雲妻左氏廩生大勇女也年十九于歸克共

婦職越三載正雲卒氏痛絕飲食夫死之九日自經以殉

蘭室妻王氏于歸六載室亡氏哀毀逾節誓不欲生既葬母憐其貧示改適氏弗從強之遂自刎而死穆維鈞妻李氏年三十夫歿無子三日後自縊與夫

同葬

吳殿義妻高氏夫亡無舅姑亦無嗣其父以寡且貧勸再醮不可逾年又使戚鄰婉導之仍不聽既爲暗擇門戶臨迎始語之婦不得已乃曰父爲女圖者亦遠但相從免父他慮諾朝遂梳洗引鎌自刎鄉里哀其義爲請旌表後有以詩詠其事者見藝文

榮文光妻王氏夫歿慟哭幾絕眾力爲勸解氏忽斂涕從容理喪事且與眾議安葬議畢避去家人覓



之已服毒身死矣時年二十七歲

童生

侯璽妻周氏璽赴府試時疫身故民間訃痛不

欲生親戚曲爲勸解氏曰夫死妻殉理也遂絕食服毒身死距夫歿之日僅七日年二十三歲

白懷會妻黃氏廩生廷杰女也素嫻姆訓尤熟婦工于歸後事翁姑甚善二十一歲夫歿以死自誓眾勸之氏惟呼天而泣竟不食三日後服毒而死

章得培妻王氏二十一歲夫歿氏泣涕截髮以明無他葬夫後投繯以死面如生時鄉人咸嘉其節烈

趙福妻楊氏夫歿無遺孤可撫七日殉夫自縊

白生貴妻王氏夫歿氏晝夜號泣誓不欲生三日後服毒身死

張觀政妻王氏夫歿誓以身殉絕粒數日而亡

熊亮采妻武氏夫歿欲殉夫自盡親戚曲爲解勸不聽憂鬱成疾四十餘日而卒

張世勢繼妻王氏夫歿氏痛夫情切食不下咽三十餘日而死

栗國棟妻郭氏夫歿氏悲痛無已一月內服毒身死



郭升恒妻程氏夫歿氏撫尸痛哭絕而復蘇者三移時再哭再絕家人疑其一時氣塞多方求救及細察其形乃知其痛夫情切服毒而死戚里咸哀之賈級吏妻孟氏于歸月餘而夫歿舅姑與其父母逼令改適氏曰容終吾夫之服嫁未晚也舅姑姑許之而其父母陰爲擇配聘禮旣納氏父母始白於氏氏佯諾還夫家改嫁之曰飲毒而亡

田菽妻白氏于歸後夫病在床未及一月夫歿氏父母以其年少勸氏改適氏不可自縊身死

舉人栗穎妻趙氏夫病卒於京訃音至人祕之不令氏知防不測也夫柩旋里暫停於郡城外之栗氏園氏聞大驚未及見棺哭不能已嘔血十數斗不三日而卒遂與其夫同日合葬焉

廩生

田稽繼妻張氏夫歿夫前妻遺子十一歲氏欲殉夫以幼子未婚恐絕夫祀每對人言曰待兒娶媳吾從夫死同治三年兒婦過門三日廟見氏服毒身死鄉人以爲從容就義

楊萬順妻劉氏夫故三日氏自刎而死



程烈婦殉難紀略

趙氏廣東清遠縣知縣程兆桂之副室係大同處士趙先霖之三女年十五歸程公爲造室隨程公之任履任後凡可以佐程公利民濟物者脫簪珥典質不恤程公調署廣甯縣事桂梧匪徒竄入廣甯境撲城者再氏身常以利刃自隨比圍解程公見刃問曰若胡爲者氏曰脫當日有變故豈能從草澤間求活耶程公每心敬之後程公回清遠縣防堵賊匪數千人直搗清遠縣城城陷賊入公拔刀

渾源州續志

卷三

列女上

五

自刎食糲破流血被面氏見程公諒無生理痛哭大罵以利刃剖腹腹裂腸出口不能言漿滴不入越日乃死事在咸豐甲寅七月十一日也死時年二十八歲兩廣總督葉 據情入奏奉

旨著於山西原籍建坊入祠

貞女馮氏係州歲貢生忻州訓導馮輅之次女養親終身守貞不字卒年八十有八墓在城北四十里殷家莊村鄉人咸稱貞女墓同治五年奏旌

乾隆年奏旌節婦



葛潛妻白氏年二十一夫歿性孝謹教子遊庠食儉  
七十一歲終

田發妻郭氏年二十三夫歿屢遭大故殯葬以禮茹  
荼如薺壽八十一終

生員白維商妻李氏夫歿苦志守節撫孤成人

胡宗義妻白氏夫歿青年守節白首完貞

李深源妻張氏夫歿孝親撫子艱苦備嘗

白思誠妻魏氏年二十夫歿無嗣事舅姑以孝聞撫  
幼叔成名全節而終

渾源州續志

卷三

列女上

六

穆夢熊妻常氏夫歿年二十三守節撫孤以延一綫  
卒年四十有三

姚時名妻于氏夫歿恒松挺節溪水盟心

孫鶴妻侯氏夫歿甘心守節苦志成孤

郭制文妻任氏夫歿食貧守困全節而終

熊秉銳妻白氏夫歿事親終老撫子成名

嘉慶年奏旌節婦

王用極妻張氏夫歿翁慮其守節中變託媒探其志  
氏曰烈女無二志婦道以一終卽以手挖其面苦



志全貞撫孤克立

生員孫體仁妻穆氏于歸二載夫卽歿氏金石盟心篤

於孝敬一子夭亡撫孫以延先祀

張喬齡妻張氏夫歿養親撫子曲盡苦心

孟毓隆妻張氏夫歿壹志撫孤貞心守節

監生陳瑜妻邢氏夫歿誓死靡他安貧若素

趙發妻侯氏夫歿恪守閨閑撫孤成立

張聖訓妻任氏夫歿氏翦髮供親斷機教子飲冰茹

葉鐵石完貞

渾源州續志

卷三

列女上

七

任義妻李氏夫歿翁久病姑失明氏奉養曲盡嗣翁

姑及子同年亡氏典衣以葬憂傷備歷苦節而終

任連登妻李氏夫歿號天泣血履潔懷貞

敖盛世妻楊氏夫歿子甫三月其叔翁欲嫁之氏誓

死不二撫夫幼弟與己子俱成立

喬璋妻杜氏夫歿氏身事重闈孝敬不衰祖姑失明

氏竭力調治至於復明後撫子及孫皆以儒名

楊秉正妻溫氏夫歿堅冰在抱止水盟心

任騰甲妻李氏夫歿清操足式亮節可風



任素妻楊氏夫歿松筠勵節金石盟心

李生俊妻仝氏夫歿家貧子幼艱苦度日從一而終

耿仰賢妻傅氏夫歿冰霜勵節金石同心

道光年奏旌節婦

郭永清妻邢氏夫歿父母以貧勸改適氏以富而失

節不若貧而完貞誓死守節撫前子至於成立

來先取妻馬氏夫歿翁痛子成疾每艱於食氏以乳

蒸米調養全愈尤勤於訓子鄉鄰以賢稱

姚廷佐妻郭氏夫歿氏苦志守節撫前子如己出次

渾源州續志

卷三

列女上

八

子潤典中式武舉後二子俱逝氏復撫孫成立

薛文忠妻尙氏夫歿家貧氏竭力田間以事翁姑能

盡孝道人皆賢之

文廷輔妻余氏夫歿無子勤婦工以奉翁姑後立姪

爲嗣讀書成名

左敷治妻郭氏夫歿氏奉姑孝敬不衰子二俱業儒

氏勤鍼黹以助讀二子相繼入泮

白鵬林妻柴氏夫歿無子氏傭作撫孫境愈苦節愈

堅焉



李大發妻白氏夫歿翁以氏年少令改嫁氏矢死靡他養親送終以禮一子早亡與媳壹志撫孫克延宗祀

仝文煥妻姚氏夫歿姑失明氏奉養曲盡其道以家世業儒常勸子以食舊德故三子俱成名

賈亨妻趙氏夫歿無子氏誓以死殉祖姑以過嗣承祀慰之意稍解旋立夫弟子爲嗣氏仰事俯畜曲盡其道

尙奎元妻張氏夫歿祖姑孀居憐其少屢勸之嫁氏以死矢上事重親下撫幼子備歷辛勤心若金石安士秀妻郝氏夫歿家貧子一翁姑繼亡葬具皆氏力爲之家計益艱氏志百折不回

王元吉妻李氏夫歿家寒氏以婦工養親姑患股疾奉養尤殷氏無子求嗣族中撫之以綿先祀

孫統堯妻尙氏夫歿子幼家貧氏采薇易粟以供姑姑憐之令改嫁氏曰媳去姑與子俱斃矣守節而終

呂企曾妻王氏夫歿事姑孝教子有方松筠之操終



身如一日焉

劉懷瑾妻趙氏夫歿姑久病糲食不能下氏典衣以  
供甘旨不繼復翦髮以易之姑及其父以寡而無  
子勸改嫁不從強之終不從後求夫堂姪爲嗣撫  
育成立全節而終

李珍妻吳氏夫歿貧甚姑尤患病在床子甫週歲氏  
仰事俯畜備極苦楚矢志不二

來永盛妻張氏夫歿親老子幼度用維艱氏勤鍼黹  
上事雙親下撫二子終無異志

全文炳妻孫氏夫歿氏年十九姑性嚴事之甚謹夫  
臨終謂其必嫁氏毀妝矢志至死不出閨門鄉人  
罕識其面者

李清培妻孟氏夫歿姑慮其守節中變屢探之氏抓  
面毀容以死自誓姑嘗於廚中遇火災氏趨抱而  
出雖傷不害人皆異之

閻畏天妻孫氏夫歿貧甚氏日咽糟糠撫二子成丁  
以務農爲業

田鍾奇妻楊氏夫歿家貧子幼氏撫孤成名鄉鄰稱



有畫荻風焉

田養惠妻張氏夫歿有田數畝氏勤儉度日撫二子成立孫入武庠樂濟貧鄉黨以賢惠稱

胡天才妻王氏夫歿翁以造紙爲生以貧故令氏再適氏對以親老子幼未忍忍離因助翁造紙全家賴以保聚

呂賓緣妻張氏夫歿翁姑早逝家無斗筲氏挑薺易粟撫三子俱成立似續以昌

姚貽遠妻王氏夫歿事翁姑甚謹一子少亡或勸改

渾源州續志

卷三

列女上

十一

嫁氏曰舍夫他適何足言人因向夫弟求嗣撫之成立今孫已繞膝矣

白榮妻王氏甫生子夫卽逝姑屢探氏意氏曰婦嫁姑與子將誰依耶遂矢以死後以賢孝聞焉

田鍾靈妻穆氏夫歿家貧子幼氏誓守貞以撫孤子少亡氏復擇孫嗣之補弟子員先祀賴以不墜

郭連妻陳氏夫歿事翁與繼姑曲盡婦道撫二子成人白首完貞

張學易妻溫氏夫歿痛翁姑殘年喪子曲盡孝思乾



隆丁未大饑氏匍匐乞貸全家賴以無恙後二子務耕讀家稱小康

廩生李清棠妻李氏夫歿奉孀姑甚得歡心愛前女如已出子光霍光啟俱入泮鄉人賢之

白桂業妻張氏夫歿子甫二歲父令再嫁弟從既爲暗擇配氏聞之尋自縊遇救得免由是操作度日子成立家道日興

劉永清妻郭氏夫歿遺二子皆殤氏悲痛欲絕姑勸再嫁以全生氏曰再嫁所失多矣尙全生乎誓死

渾源州續志

卷三

列女上

三

不二夫堂弟義之以子承繼氏以節終

白景明妻田氏夫歿氏事姑孝值山水大漲衝入姑室姑老不能行氏捨身負姑而去近鄰溺死者甚多氏全家獲免後子桂林甚孝人以爲天之所報王世明妻賈氏夫歿家徒壁立叔勸其改嫁氏曰吾嫁二子必死背夫絕祀吾不爲也後次子出繼長子亦亡氏與媳撫孫成立且入泮焉

白鵬鵬妻張氏夫歿遺薄田數畝氏悉賣以葬夫人謂氏必改嫁氏曰吾不忍死者土親膚也因以鍼



衛營生撫子成立全節而終

白駿龍妻朱氏夫歿家貧氏誓以奉姑撫子死乃無愧豈覩面以事人乎後家被水氏求親告助姑以壽終子亦成立

高贊元妻左氏夫歿子甫三歲氏事姑孝嘗偕姑拜墓突遇狼將及姑身氏急趨捍禦以石擊狼而去禹文繼妻邢氏夫歿時祖姑翁姑俱在氏奉養各得歡心所生兩子教以大義凡冠昏喪祭皆氏力爲之人稱文丈夫焉

渾源州續志

卷三

列女上

三

左凌霄妻田氏夫歿貽三子俱幼與夫弟同爨氏念餬口不足恒以指工助旣而夫弟亦亡氏以仲子承繼與弟妻同心守節艱苦備嘗

左光霄妻程氏夫歿與嫂田氏共守節愛繼子如生子後子入武庠氏之功也

馮開妻楊氏夫歿田僅數畝氏豐以事親薄以自奉子就外傳夜必課讀守節終身勤苦備至

郭廷梁妻牛氏夫歿姑痛子成疾氏事奉維殷子甫四齡尤單弱氏念一綫之延極力撫養至於成立



趙祥妻辛氏夫歿逾年翁姑俱逝喪葬諸事氏竭力爲之子三俱幼氏不辭艱難守節以終

沈望林妻劉氏夫歿子甫生三日翁姑年邁兄憐其苦強令改嫁氏以死自誓後絕不登兄門

穆九叙妻仝氏夫歿子幼氏矢志撫孤嘗典衣助子讀後子入泮氏白首完貞焉

穆汝訓妻王氏夫歿無子時氏有娠涕泣禱天願守從一之義旣而生子人以爲氏立志之報

穆永泰妻張氏夫歿無子姑孀居以氏年少令改嫁

渾源州續志

卷三

列女上

古

氏念姑苦願共守節人謂賢孝萃於一門云

黃煥妻李氏夫歿氏奉姑甚孝教子有方嘉慶八年家被水傾氏勤鍼繡全家賴以保全

陳高妻張氏夫歿躬親操作苦志成孤

栗德新妻郭氏夫歿氏事翁姑倍加敬謹教子能以義方厥後子成立孫極蕃衍皆氏德所致焉

劉國瑞妻張氏夫歿茹藥飲水志操不變

麻發陞妻耿氏夫歿事親撫子苦節而終

耿承令嗣室王氏夫歿矢志守貞之死不二



耿孔浩妻任氏夫歿宅心惟一極力撫孤

咸豐年奏旌節婦

貢生李瑞妻葛氏夫歿翁病不食氏常覓鄰婦乳以奉

姑失明氏服事尤謹後撫姪爲嗣里人稱賢焉

楊克恭妻王氏夫歿翁姑老且病氏竭力奉養得慰

殘年二子耕讀成家皆氏教養之力也

邢鳳集妻王氏夫歿無子氏撫姪爲子苦節三十餘

年而終鄰里皆敬重之

王永芳妻張氏夫歿家貧氏采薇而食拾草爲薪苦

渾源州續志

卷三

列女上

五

志成孤壽九十二而終

高峻德妻李氏夫歿志懷冰霜心同金石

王哲世妻張氏永芳之孫媳也夫歿氏與祖姑共矢

冰心撫孤成立其翁姑壽逾期頤氏孝養之力居

多

孟安前妻孫氏夫歿苦心守節不負所天

牛射斗妻李氏夫歿篤志守節撫孤成名

同治年奏旌節婦

李璿妻田氏夫歿矢志撫孤艱辛備歷



楊兆林妻白氏夫歿冰心永矢婦德無虧

栗洛妻陳氏夫歿家貧子幼井曰親操粗糲自奉今子務農孫列膠庠

栗泰妻李氏夫歿氏年二十四養親撫子艱苦備嘗堅心永矢

孫璠妻杜氏夫歿誓志靡他撫子成立貿易爲生

高乃成妻唐氏事祖翁姑及翁姑孝心無二夫歿氏年二十三守身訓子無不中禮無何子女繼亡氏困鬱成疾而終

李杏苑妻靖氏于歸二載夫故氏年十九事雙親益深孝敬撫幼子不憚勤勞今子已成立

麻煥章妻李氏夫歿家甚貧氏艱苦備歷撫子成丁以農爲業

麻含章妻曹氏夫歿氏年二十三有子三二子先卒僅留一子撫以成立今子孫繩繩人皆歸美於氏云

武紹周妻左氏姑失明氏起居問視事之維勤姑嘗言吾何修得此佳媳如夫亡氏雖哀甚而孝敬未嘗



或疎

鄭榮妻閻氏夫歿氏竭力孝親義方教子四十餘年  
艱難備歷

趙殿颺妻郝氏夫歿養育無人幾無生理氏以十指  
經營撫子成立

沈成泉妻王氏夫歿殯殮無資氏哭懇親戚以葬守  
節四十餘年堅心苦志矢志不移

耿映辰妻張氏夫歿無子人勸之嫁氏不可撫姪爾  
慎爲嗣使之業需嚴加訓誨今已食廩餼矣

白希曾妻胡氏夫歿氏年十八誓不改適敬事孀姑  
慈育幼子奈子又歿氏苦節而終

孫林妻劉氏事繼姑甚謹夫歿子幼氏備極艱辛撫  
以成立

榮海妻韓氏夫歿氏年二十二子幼翁姑在堂氏仰  
事俯畜終年勞瘁守節三十餘年而卒

李永茂妻張氏夫歿氏奉養病姑撫育三子俱成立  
任紆妻果氏夫歿矢志守節艱苦備嘗親戚憐之

陳瑄妻張氏夫歿奉事翁姑宗族稱孝冰霜矢志歷



久不渝

常慰妻温氏夫歿氏年二十一子甫四歲家貧氏挑

野蔬以餬口掃落葉以爲薪鄉鄰憐其苦節焉

馮涵妻李氏姑失明氏事姑朝夕不懈夫歿撫育幼

子教養成成人

穆繼文妻韓氏夫歿家貧子幼鍼紵度日守節以終

李廷彥妻龐氏夫歿氏年二十事雙親撫孤子守節

以終

張卓妻趙氏夫歿家貧典衣殯殮事俱盡禮遺子三

渾源州續志

卷三

列女上

六

訓誨成人艱辛備歷

段寬妻王氏夫歿親老子幼守節五十年而終

李揚妻王氏夫歿二子俱幼氏以鍼紵養親育子畢

生勤勞不懈

楊志林妻白氏夫歿竭力事親承歡菽水苦節成孤

七十餘歲而卒

孫映斗妻侯氏夫歿家貧苦心守節三十餘年而卒

范天德妻文氏夫入泮後病故二子俱幼氏義方教

子矢志靡他二子俱列膠庠氏之苦節所致



姚允安妻張氏夫歿親老子幼氏事親撫子獨力支  
持臨終囑其子曰爾善事爾祖父母勿違吾言氏  
之孝行可知已

孫培蘭妻徐氏夫歿堅心守節無子繼夫弟子爲嗣  
今已娶媳生孫矣

劉文盛妻白氏夫歿家貧子幼氏親操井臼苦歷冰  
霜

田用成妻白氏夫歿子幼家業式微蔬糲度日擇師  
教子數十年堅心永矢

楊秀三妻黃氏夫歿氏年二十一勤儉度日立志堅  
貞守節以終

李嘉德妻杜氏夫歿氏年二十三躬操井臼矢志靡  
他撫子成名鄉人稱之

李佶妻楊氏夫歿家貧子幼氏親操井臼撫育成丁  
許鴻儒妻岳氏夫歿子幼氏堅心守節苦志全孤

孫聯芳妻郝氏夫歿無子痛不欲生轉思絕先祖祀  
不孝尤大因於族中擇賢爲嗣撫之如已出教養  
兼施辛苦備至



劉尙武妻馬氏夫歿縫紉度日以給養親撫孤之資  
子成立以農爲業氏仍勞瘁不辭

李三德妻張氏夫歿氏年十九翁姑憫其青年意示  
改適氏不從奉養翁姑撫育孤子卒不改其操享  
壽六十九而終

張鼎祿妻文氏夫歿家貧氏甘心守節矢志靡他

范光普妻吳氏夫歿家貧寒氏誓志守節撫孤成立  
李芳妻楊氏夫歿遺子三人皆未成立氏以鍼工度  
日之死靡他

李純妻秦氏夫歿青年守節撫子成人其事翁姑尤  
爲盡禮

田定徹妻劉氏夫歿翁姑在堂氏昏定晨省未嘗或  
間子幼教養有方克承宗祧

劉琮妻李氏夫歿家貧撫育幼子至於成立畢生艱  
苦一鄉憐之

田俊發妻姚氏夫歿事姑撫子盡孝盡慈厥後姑以  
壽終子以疫亡氏形單影隻熒熒終身鄉黨咸憫  
其節



王學古妻范氏夫歿氏奉養衰姑撫畜幼子艱難困苦無不備歷

王存義妻宋氏夫歿事繼姑盡孝教子尤有義方享壽六十八而卒

白桂山妻李氏夫歿姑年高子週歲氏爲工度日一家藉以餬口其節孝鄉里稱之

李天元妻李氏夫歿姑患不仁穢沾床第氏爲盥洗歷數載毫無厭倦子成立克創家業人以爲節孝所感云

渾源州續志

卷三

列女上

三

裴錦繡妻胡氏敬事翁姑勞而不怨夫歿矢志撫孤節孝兼全

張芳妻穆氏夫歿子甫二歲家日傾衰人勸其改適氏不答矢志守節七十九歲而卒

左化夷妻劉氏夫歿盟心金石艱苦備嘗孝事翁姑撫子成立

左化儒妻高氏夫歿撫嗣子如己出謹奉翁姑族黨稱孝焉

尙三元妻白氏夫歿翁姑在堂氏曲意承歡雖痛夫



情切未嘗少形諸色子一撫育成立

劉天柱妻柳氏夫歿子幼孤苦零丁無所依託氏壹志守貞艱苦備嘗

王興富妻郭氏夫歿氏教誨幼子期以成名奉養病姑親嘗湯藥鄉人賢之

王祐妻裴氏夫歿子甫週歲氏以鍼膏度日撫孤成立

張偉妻王氏夫歿晝夜哭泣欲以身殉復念舅姑衰老孤子幼弱乃節哀守節三十年而卒

渾源州續志

卷三

列女上

三

杜春霖妻王氏夫歿子未週歲翁姑年邁氏養親撫子辛苦備嘗

王藝妻穆氏夫歿家無斗筲室如懸磬氏以十指經營事翁姑承歡菽水撫幼子令其讀書戚里賢之  
穆廣富妻李氏夫歿孤子復亡氏晝夜涕泣聞者心惻後嗣孫以承宗祧享壽八十一而終

劉進妻仝氏夫歿二子俱幼氏克勤克儉以農爲業子成立恪遵母訓服田力穡

李貢妻劉氏夫歿二子俱幼氏殷勤撫育教以讀書



孫攀桂攀月身列膠庠曾孫增祥科名得雋皆氏以讀書傳家之力也

龔耀宗妻耿氏夫歿子幼訓誨極嚴事翁姑則承歡菽水守節五十餘年而終

孫萃妻劉氏年二十二夫歿或勸之嫁氏曰夫早逝未亡人不幸實先人之不幸也亡人居長而無後何以俎豆先人敢不爲之繼嗣以承宗祧乎後嗣子成立氏以節終

李恒英妻耿氏夫歿姑失明氏不憚勞瘁飲食必親

渾源州續志

卷三

列女上

三

奉鄉人賢之

知縣耿龍光之側室蔚氏夫歿河南任所氏扶櫬歸里備極艱難子映川甫六歲教以讀書後入國學繼

父書香

知縣耿龍光之側室張氏夫歿氏年十七同夫側室蔚氏牛氏扶櫬歸里備極艱難氏無子撫蔚氏牛氏之子映川映山以至成立繼父書香

楊魁元妻楊氏夫歿奉事舅姑曲盡孝道子方五歲撫育成人



孫道宗妻龔氏夫歿無子傭工養親撫嗣子成立  
徐維妻穆氏夫歿遺子方三歲奉養翁姑竭力盡孝  
撫孤成立

杜萬倉妻薛氏夫歿糶糴度日養親撫子備歷艱辛  
季秀妻鄧氏夫歿奉事孀姑必誠必敬堅心守節鄉  
黨賢之

宋天福妻王氏夫歿家貧艱苦備嘗撫子成立

范清元妻李氏夫歿事姑盡孝撫嗣子如已出鄉人  
賢之

渾源州續志

卷三

列女上

三

趙成元妻王氏夫歿長子四歲次子未週歲值歲饑  
負子領粥以度荒年終不改其志節

穆廣智妻邢氏夫歿氏事舅姑撫孤子茹苦含酸節  
操彌堅

劉棟妻白氏夫歿二子俱幼孤苦無依氏操井臼爲  
鍼黹苦楚百端甘受不辭今子已成立

田俊文妻黃氏青年守節白首完貞享壽六十四歲  
而卒

王靖妻趙氏夫歿善事翁姑人言無間苦心守節不



負所天

李時憲妻左氏夫歿柏舟矢志冰雪爲心撫育孤子  
俱克成立

靖錫寶妻孫氏于歸後事伯父母如翁姑克盡婦職  
夫歿撫育嗣子以承宗祧

靖錫福妻白氏于歸後事舅姑克盡婦職夫歿撫育  
嗣子以承宗祧

崔士元妻李氏夫歿矢志守節殷勤以事舅姑督責  
以成幼子後子孫貿易氏猶訓誡不倦

渾源州續志

卷三

列女上

三

郭梅妻左氏謹慎持躬閨範素習夫歿金石盟心糟  
糠度日二子成立俱職農業

戴世英妻白氏夫歿姑有病氏朝夕問視不倦者數  
載撫子成丁訓以務農

郭謹妻高氏夫歿誓不改適翁姑迭逝典賣衣物以  
葬境雖極苦不易初心

趙士強妻李氏夫歿遺子一家貧餬口無資氏以十  
指求生子克成立

王得彩妻田氏夫歿撫育孤子望其成立無何子天



亡氏痛念無嗣過嗣一子以續夫後

張慶元妻李氏夫歿三子俱幼氏教以讀書常誡其子曰爾等倘有不成吾何顏見汝父於地下乎苦節撫孤如此

侯國正妻薛氏夫歿守節青春完貞白髮冰霜矢志凍餒甘心

侯加陞妻楊氏夫歿依託無人日用不給氏凍餒不恤撫子成人

左進業妻梁氏夫歿氏養老撫孤不憚艱苦縫紉度

渾源州續志

卷三

列女上

三

日而節操彌堅

白爭玉妻張氏夫歿二子俱幼家徒四壁氏十指經營撫子成丁

張復誠妻楊氏夫歿姑因家貧勸氏改嫁氏曰姑老子幼媳在可以鍼黹度日媳嫁老幼何以爲生事姑撫子守節以終

張繼妻趙氏夫歿姑失明氏事奉不憚勞苦出入爲之扶持子三訓以義方俱成立

張問魁妻謝氏夫歿家貧上事翁姑下撫孤子數十



年因苦艱難無不備歷

王盛成妻馬氏夫歿矢志守節不畏艱難事舅姑撫孤子孝慈兼盡

張培興妻王氏夫歿二子俱幼矢志不改嫁撫子以續夫後次子幼亡所留孫男賴氏撫養成入享壽八十八歲

全文光妻名氏于歸後孝道克盡奉舅姑於俱存婦功是勤爲衣食之伙助夫歿誓不改適之死靡他

白維清妻黃氏夫歿家貧親老菽水承歡撫嗣子如

渾源州續志

卷三

列女上

三

已出

劉同妻張氏于歸後上有孀姑事之克全婦道前有稚子撫之無異所生夫歿堅心守節鄉里賢之

金三春妻仝氏夫歿養殮不給衣食無資氏以十指經營事親撫子艱難備歷

劉懷方妻韓氏夫歿氏撫育前子與己子無異鄉里間並不知其爲異母兄弟子俱成立氏督責以義郭士英妻馬氏夫歿節凜冰霜孝符內則人稱節孝

雙全



黃月台妻張氏善事舅姑克盡婦道夫逝煢煢獨守  
不負所天

侯加職妻石氏于歸後翁姑歿祖姑尙存氏朝夕奉  
養承歡膝下夫歿室如懸磬鍼黹度日守節以終  
鄭連妻王氏夫歿矢志守節事姑撫子賢聲共著

張世英妻趙氏夫歿矢志守節翁姑衰老氏殷勤侍  
奉菽水承歡子幼訓誨不倦

余保妻王氏夫歿子幼氏甘心守節雖衣食艱難而  
志節彌堅

王丕德妻張氏夫歿無子嗣夫姪爲子以承宗祧柏  
舟矢志鄉人稱之

張全妻杜氏夫歿遺二子俱幼氏以鍼黹度日子成  
立張氏宗祧賴以不墜

李馨妻田氏夫歿孤子復殤氏奉翁命嗣夫姪爲子  
撫育嗣子至於成立

郝萬金妻徐氏夫歿或勸其改適氏曰幼聆父訓  
頗知從一之義誓志守節撫孤成人

高鳳鳴妻史氏夫歿事舅姑撫幼子孝慈兼盡



賈人倫妻鄧氏于歸後夫與翁相繼而逝姑令其改適氏曰媳去誰與姑共患難雖死不敢如命卒能事孀姑立嗣子克延賈氏之脈

白三多妻田氏夫歿矢志守節奉舅姑撫孤子茹苦含酸艱辛備歷

陳開基妻張氏夫歿翁姑在堂承歡菽水皓首完貞陳亮妻左氏夫歿無子乞家長爲立嗣氏事孀姑撫嗣子辛苦備嘗冰霜永矢

馬維德妻曹氏夫歿家貧其事姑撫子多藉母氏之

方厥後子創家業氏每以勤儉勸之

胡珍妻牛氏夫歿家貧親老三子俱幼氏事親撫孤辛苦備嘗終無變志

陳瓊妻張氏夫歿氏撫幼子教養兼至十餘年間心力俱瘁

吳芝妻陳氏夫歿孀姑在堂敬事不倦子未週歲撫畜鞠育至於成立

張和妻袁氏夫歿翁姑衰老孤子幼弱養老撫孤歷



劉明謙妻白氏夫歿氏操井臼以奉雙親勤紡織以撫孤子嘗言吾不如是死無以對吾夫

劉福元妻張氏夫歿子幼氏心同金石志若冰霜撫子成立享壽七十一歲

栗昌妻孫氏夫歿氏撫前子如己出家徒四壁茹苦含酸永無他志

楊得泉妻穆氏夫歿家貧氏不厭糟糠撫子成立李光泰妻喬氏夫歿家貧氏誓志守節十指經營不

憚勞瘁

渾源州續志

卷三

列女上

三

黃萬魁妻張氏夫歿氏念夫無子痛不欲生親族公議以夫弟子爲嗣數十年勤儉治家艱苦備歷孫善韶妻李氏事親敬慎治家勤儉夫歿操守彌堅不出閨門親族罕得見其面

葛五美妻吳氏奉事翁姑族稱純孝夫歿糟糠度日金石盟心

劉兆有妻毛氏夫歿撫育幼子備歷艱辛志凜松筠心堅金石

徐良貴妻毛氏夫歿氏敬事孀姑撫畜幼子盡孝盡



慈鄉鄰共譽

田廣妻吳氏夫歿子幼家道貧寒氏矢志靡他撫子成立

喬智妻郝氏夫歿氏欲死翁謂婦曰死非不善但二孫襁褓未離死恐喬門之嗣難延矣氏從命苦志守節撫子成立

李從亮妻白氏夫歿敬事翁姑撫養幼子艱難困苦無不備嘗

寇起妻劉氏夫歿家貧無依誓不改適遺子二撫養

渾源州續志

卷三

列女上

三

成立

趙先位妻孫氏夫歿家貧無子父母勸其改嫁氏不從守節以終

楊德元妻左氏夫歿家無斗筲氏十指經營躬操井臼奉事翁姑菽水承歡

仝維妻郝氏夫歿家貧棺木衣衾俱氏懇親戚周辦撫子成立艱苦備嘗

楊成妻高氏夫歿無子守節自矢志若冰霜

李翠妻王氏夫歿家貧或勸其改嫁氏不可以死自



誓

鄭選妻劉氏夫歿遺子三撫以成立守節而終今孫身列膠庠矣

賀德政妻王氏夫歿上事翁姑下撫幼子十指經營守節完貞

劉鳳翔妻李氏夫歿姑老子幼氏奉姑撫子備歷艱辛

王正元妻邢氏夫歿子未週歲氏堅貞自守撫子成人

澤源州續志

卷三

列女七

三

武寶妻王氏夫病劇囑以養親撫子夫歿氏仰事俯畜卒如夫言

郭萬增妻徐氏夫歿誓不改適節勁松筠心同金石郭自虎妻雷氏夫歿氏撫嗣子無異己出及長就武入泮

吳鴻有妻王氏夫歿堅貞自守不負所天

吳東周妻方氏夫歿上事孀姑下撫幼子節凜冰霜終無貳志

孟守相妻李氏夫歿撫裔孤子克底成立



雷與春妻李氏夫歿舅姑在堂氏事舅姑宗族稱孝  
撫幼子成人

張步洲妻牛氏夫歿事親盡孝苦節成孤

穆青松妻田氏夫歿氏撫嗣子無異己出戚里咸嘉  
其節

黃世光妻趙氏夫歿孤子尙在襁褓氏撫孤成人備  
嘗艱苦

葛忠妻米氏夫歿遺二子俱幼氏誓志守節之死靡  
他子成立

張存智妻高氏夫歿家貧守節艱苦備嘗其事翁姑  
孝敬尤爲鄉里所共稱

章毓樸妻張氏夫歿子幼家道寒微氏守節五十餘  
年終無他志

張梅妻李氏子歸後事奉翁姑曲體親志夫歿氏念  
姑老子幼誓志守節孤子賴以成立孫入邑庠者  
二人以爲氏之貽訓所致云

董汝芝妻王氏夫歿矢志守節撫嗣子成立身列膠  
庠鄉人賢之



田國才妻李氏夫歿子方一歲家貧傭工度日培養幼子成丁

王喜文妻穆氏夫歿孀姑年近七旬一子未離懷抱氏堅貞永矢守以終焉

范寶成妻尚氏夫歿子幼提攜鞠養夙夜維艱奉事舅姑極其誠敬

馮貴妻侯氏夫歿一子早亡從族中繼嗣一子撫養成人以農爲業

郭際泰妻張氏于歸後事翁姑婦道無虧夫歿鍼紵度日而教子之功絕無少懈今子已成立孫列膠庠

郭輔邦妻李氏夫歿事親則菽水承歡撫子則教養備至

禹謨妻毛氏夫歿養親撫子數十年艱苦備嘗堅心永矢

劉呈德妻趙氏夫歿事奉雙親撫育孤子艱難備歷終不改其操

李善義妻張氏夫歿甫生一子誓不改適如懸



罄而志則凜若冰霜

楊文泰妻李氏夫歿事老親撫幼子辛苦備嘗毫無異志

崔喜元繼妻王氏夫歿節凜冰霜矢志不渝子成立耕讀爲業

王富繼妻耿氏夫歿子方六歲躬操井臼極苦亦不肯告諸親族

賈爾昌繼妻任氏夫歿撫育前孤體恤備至苦心守節州人憐之

渾源州續志

卷三

列女上

三

黃潤繼妻吳氏夫歿家業寒微撫養子孫皆能成立于溟妻吳氏夫歿無子與姪共爨白首完貞有賢聲焉

孫蕙妻劉氏夫歿縫紉度日子孫賴以保全

張珏妻竇氏夫歿家徒壁立事舅姑撫孤子克延張氏之祚

張安妻孟氏夫歿氏年二十糟糠度日皓首完貞一子務農二孫成室皆氏之力也

呂攀雲妻孫氏夫歿以守節自矢事奉翁姑滌穢除



汚數十餘年毫無倦志

張步雲妻禹氏夫歿氏年二十五上事孀姑并白親操下撫遺孤教養兼至

孟世珍妻李氏夫歿無子以夫兄子爲嗣延師教讀白首完貞

李鍾岐妻吳氏夫歿以柏舟自誓奉姑不避汚穢撫嗣子教養兼備

喬天喜妻馮氏夫歿誓不改嫁敬事舅姑始終如一撫育孤子教養有方

渾源州續志

卷三

列女上

三

白萬年妻李氏夫歿撫育幼子節比松筠

曹立世妻穆氏夫歿二子俱幼氏并白親操勤苦備至二子賴以保全

麻積產妻孫氏夫歿翁姑年高二子俱幼氏事親撫子始終勤謹不懈

李永春妻張氏夫歿氏痛夫無嗣晝夜涕泣雙目失明惟日呼天誓死同穴閭里哀之

王正富妻白氏夫歿氏痛哭流涕幾不欲生因念子幼撫之以承宗祧



辛旺妻牛氏夫歿子甫三歲州遭大荒氏畜孤矢志靡他今其子孫俱成立焉

孟超然妻蘭氏夫歿氏年二十一子方一歲氏矢志不二以甘旨奉姑自餐糲糠終無變志

白烜卿妻左氏夫及家貧子幼操持貞固艱苦之心無時或替

田在中妻李氏夫歿氏年二十二姑老子幼立志堅貞養老恤孤艱苦備歷後其子躬列膠庠

孫萬鑑妻李氏夫歿子方三歲氏矢志成孤望繼書

香後雙目失明人盡憐之

范日德妻王氏夫歿無嗣恐絕祖祀因請孀嫂次子爲嗣氏與孀嫂協力治家後其嗣子名列膠庠

薄景雲妻穆氏夫歿青年矢志皓首完貞事翁姑撫幼子無餘力焉

薄天雲妻郝氏夫歿氏年二十三子歸九載遂嘆鸞孤矢志終身甘同鵲別內言不出外言不入壺鏡有足式焉

李義繼妻趙氏夫歿心如金石矢志靡他



韓文妻趙氏夫歿氏年二十四無子甘心守節以叔子爲嗣撫如己出

蔡承鼎妻李氏夫歿氏年二十三雙親俱在一子尙幼仰事俯畜辛苦備至

李廷桂妻尙氏夫歿翁姑衰老一子尙幼氏親操井臼無間寒暑親戚賢之

郭士林妻熊氏夫歿撫育幼子矢志靡他苦節而終賢聲聿著

龔愷妻馮氏夫歿撫孤抱痛培養成人翁姑歿氏竭

渾源州續志

卷三

列女上

三

力送終尤以婦道代子道

文熾妻張氏嚴守閨訓敬事翁姑夫歿義方教子艱難備歷

王士恭妻徐氏夫歿氏年二十一氏痛夫無子繼堂兄子爲嗣事親盡孝人無間言苦心守節矢志不渝

郭士陞妻孫氏夫歿孝以事親慈以撫子治家勤儉志勵冰霜

趙全妻李氏夫歿氏以養老心慈幼爲任井臼親操薪



水自給鄰里賢之

楊琮妻張氏夫歿年二十一翁姑壽八旬餘氏養老送終撫孤成立

張舉妻傅氏夫歿氏事翁姑盡心竭力家雖貧苦而志若冰霜

孟廣譽妻張氏夫歿心堅金石辛苦備嘗翁壽八旬有四氏養老送終族稱孝焉

邢玉體妻張氏夫歿冰霜自誓姑壽七旬餘氏代夫盡孝里黨稱賢

渾源州續志

卷三

列女上

三

任天秩妻楊氏夫歿翁姑年老氏代夫奉養無不稱意其孝德如此

張永清妻王氏夫歿介節自持出入必謹嫌疑遠避戚族高之

呂殿奎妻張氏夫歿年二十四家貧質物典衣以抵葬費無子過嗣一子撫育成人

趙萬戶繼妻魯氏夫歿長子甫二歲次子月餘氏竭力撫養至於成立

黎興讓妻杜氏夫歿事孀姑如撫孤子炎涼屢更艱苦



備嘗而其心同金石焉

馮相妻高氏夫歿事翁姑曲盡禮意族稱孝焉

薄士維妻郭氏夫歿年二十五撫嗣子曲盡慈心俾

克成立

趙鵠妻張氏夫歿撫孤不畏飢寒心同金石

陳浩繼妻邢氏夫歿冰霜勵節撫育二子辛苦備嘗

白首完貞

雷鳴春妻劉氏夫歿姑失明一寢一食無不敬以事之

渾源州續志

卷三

列女上

四

任多藝妻尙氏夫客亡湖北氏撫育嬰兒矢志不嫁

卒全其節

翟尙妻李氏夫歿事姑撫子曲盡苦心

穆見龍妻程氏夫歿家貧井日自操督子務農成業不

張嘉謨繼妻王氏夫歿子在襁褓氏以鍼黹給衣食

之用

榮清煥妻楊氏夫歿子方二歲撫以成立克奉先祀

孟貴妻張氏夫歿年二十四姑有癩狂疾氏除汚滌

穢曲意承歡



孫世俊妻李氏夫歿子幼每誓言曰見材則俱生不材則從亡人於地下具勵節如是

彭齡妻李氏夫歿氏年二十四子方三歲家貧以十指度日艱苦備嘗

王德妻劉氏夫歿氏年二十三撫畜孤兒誓不改適精穡度日不易初心

任多材妻田氏夫歿氏年二十五撫育孤兒望其成立不意子又早亡氏苦心守節親戚憫焉

李興妻榮氏夫歿二子俱幼氏親操井臼苦歷冰霜貞節可風

渾源州續志

卷三

列女上

聖

馮彥儒妻張氏夫歿氏年二十五以守節自矢子成立督之耕稼朝夕不倦

葛汝蓀妻劉氏夫歿氏年二十二孤子尙未逾歲氏以勤儉撫子成人三十餘載終無變志

邢世祥妻吳氏夫歿氏年二十一氏念親老子幼涕泣矢志克守從一之義

劉步雲妻閻氏夫歿痛夫無後以夫弟子爲嗣竭力撫養至於成立



張繼賢妻趙氏夫歿孤子幼弱未能成立氏以慈撫之艱苦無所不歷

高殿魁妻楊氏夫歿後生遺腹子氏事姑撫子賢聲

聿著

尙有德妻任氏夫歿氏年一十九子方週歲氏事親孝撫孤慈鄉閭皆爲之矜式

李永明妻楊氏夫歿年二十二無子以姪爲嗣慈愛之心無異己出後其嗣子身列膠庠

耿映星妻栗氏夫歿子幼家道中落氏以勤苦持之

渾源州續志

卷三

列女上

三

次子入泮氏之教誨不輟

吳秉旌妻李氏夫歿奉事翁姑二十餘年生盡養死盡哀鄉人賢之

張苗妻王氏夫歿氏年二十姑老子幼氏事姑則晝夜勤勞撫子則教養俱至

左輔世妻楊氏夫歿氏年二十養雙親撫畜嗣子歷久不渝其志

喬生貴妻徐氏夫歿氏年二十二家道貧寒有勸氏改適者氏不聽甘受飢寒矢志守節鄉人賢之



白鶴翔妻張氏夫一歿子在襁褓氏撫養成人以承宗祧

張剛妻范氏夫歿子在襁褓家無斗筲氏一心守節備歷艱難

白玉秀妻彭氏夫歿氏年二十二矢志守節不出閨門親戚罕得見其面

王宏業妻高氏夫歿于幼家貧鍼黹度日或勸其改適氏痛哭以死自誓

王二南妻王氏夫歿奉萱堂婉容悅色恪守閨範玉潔冰清可謂貞而能順者也

高樂妻郭氏夫歿氏貧難度日鄰里勸其改適氏曰如改適何以爲人乎終不易其操

李明妻李氏夫歿翁姑在堂氏供菽水以承歡鄉人賢之

李光華妻曹氏夫歿氏痛不欲生念三子尙幼辛勤撫養俱克成立

范步青妻王氏夫歿長子雙目失明次子備工度日氏畢生艱苦毫無異志



仝家官妻陳氏夫歿孤子尙幼氏克儉克勤延師課讀每以成名勵之

熊天相妻趙氏夫歿親老子幼氏艱苦備歷節孝無虧

楊全之妻白氏夫歿矢志靡他守節以終

孫德廣妻郭氏夫歿經紉爲業辛苦備嘗今四子俱成立矣

孫蘊林妻白氏夫歿子幼氏以死自誓守節三十餘年無變志

車貴有妻劉氏夫歿翁老子幼事翁撫子辛勤備歷孫嶽妻楊氏夫歿無子氏恐絕祖祀因於族中過嗣撫之如己出

程兆貞妻李氏夫歿撫幼子教以耕讀今一門蕃衍稱雍睦焉

李子彥妻郭氏翁姑有疾日侍湯藥衣不下帶夫歿以守貞自矢

李得時妻孔氏夫歿子少亡姑勸氏改適氏曰爲人婦棄姑紹嗣雖犬不如因以夫姪爲嗣事姑八旬



餘毫無倦志

王彩妻龔氏夫歿慟極失明家貧子幼以金石盟心無何子又夭亡鄉人俱憐憫不置云

郭士尙妻王氏夫歿子幼氏以十指度日鄉人賢之張瑞妻高氏夫歿氏事舅姑如事父母撫前子如撫己子人皆賢之

李向德妻陳氏夫歿姑多疾常在床褥氏敬奉湯藥未嘗少離

孫緝妻左氏夫歿氏年二十三家貧或勸其他適氏誓以守節孝敬翁姑人共稱之

王珣妻陳氏夫歿氏年二十二無子撫姪爲嗣教訓有方始終不易其志

劉可繼繼妻趙氏夫歿氏年二十二甫生一子氏事姑撫子孝慈備至

邢文行繼妻張氏夫歿苦心守節白首完貞撫孫承恩成人中式武舉

吳林新妻郭氏夫歿以舅姑衰老子未週歲氏十指經營養親撫子艱苦備至



田國治妻吳氏夫歿氏年二十四子甫生六月氏甘旨養姑姑壽七十餘而終撫子成立

熊長鱗妻白氏夫歿幾不欲生轉念親老無人奉養子幼無人撫育矢志守節養老成孤

熊岳峪妻申氏夫歿舅姑俱老奉事以終三子皆幼撫育成立

萬頃妻郭氏夫歿青年守節白首完貞二子成立業商務農

梁寶妻石氏夫歿家貧無資甘心藜藿撫孤成立

渾源州續志

卷二

列女上

吳

徐慶妻陳氏夫歿誓不改適敬事翁姑撫子成人

李恒瑞妻陳氏夫歿氏勤儉怡家延師教子今其子已成立矣

李三卿妻王氏系出名門幽閒貞靜夫歿上事孀姑下撫孤子孝慈備至

李貴吾側室徐氏夫歿子方二歲志節堅貞訓子成名身列膠庠

袁達妻侯氏夫歿子生方八月日用難繼而志節彌

堅



李恒暢妻韓氏夫歿氏勤儉治家耕讀訓子守節三十餘年無他志

李長善妻趙氏幽閒淑慎善事翁姑夫歿子方八歲氏克勤克儉撫子成立

楊全妻次氏善事翁姑承歡菽水夫歿二子俱幼氏撫子成立以農爲業

李全妻郭氏夫歿翁姑亦歿送終之日盡哀盡禮感黨嘉焉

李恩普妻陳氏夫歿家貧身居陶穴野無寸田惟以

十指度日奉姑撫子竟因勞疾而失明鄉人憐之陳九卿妻喬氏夫歿無子或勸之嫁氏曰吾雖女流尙知大義安肯爲再醮之事乎遂誓志終身守節焦士明妻趙氏夫歿孤寡無依不忍令其子失恃因以守節自矢子成立先祀不絕

李直妻周氏夫歿翁老氏孝敬彌摯白首完貞州人稱焉

余廷元妻張氏夫歿翁姑垂老孤子孩提氏仰事俯畜心力俱勞而清操不易



張懷仁妻尙氏夫歿無子以夫姪爲嗣氏撫畜愛養  
宛如己出無何嗣子亦亡氏凍餒自甘終無異志  
全永安妻任氏夫歿生子彌月氏親操井臼之死靡  
他

王安世妻李氏翁與夫同年並歿姑病在牀氏殷勤  
奉養善慰姑心氏無嗣以守節自矢其苦節如此  
李永光妻穆氏夫歿姑臥病奉養以終翁近八旬日  
用飲食氏無不盡心竭力

周道興妻楊氏夫歿俯仰無資氏鍼紉求生養親撫  
子艱苦備至

澤源州續志

卷三

列女上

哭

耿映川妻任氏夫歿痛夫無子親戚議以夫弟子其  
昌爲嗣撫以成立讀書爲業

知縣耿龍光側室牛氏夫歿於河南新鄉縣任內宦囊

一空氏典賣衣物扶觀歸里守節五十餘年而卒  
李象椿妻張氏夫歿子幼誓志守節撫孤成人

高錦儒妻張氏夫歿翁姑年邁奉養肫誠訓子讀書  
至於成立

劉澄妻王氏夫歿二子尙幼氏以糶糴度日欲留有



餘爲兒讀書之資

劉映斗妻鄧氏夫歿無子以伯子爲嗣教養兼盡撫之成立以承宗祀

穆自立妻麻氏夫歿生遺腹子稍長食以藜藿自謂以甘旨適口非所以教子也其苦心撫孤如是

侯九錫妻穆氏夫歿子幼倍加勤儉嘗謂勤操作則心無他歧能節儉則撫孤有賴噫可以風矣

耿映高妻白氏夫歿無子僅遺二女以伯氏子爲嗣姑久病在床氏晨夕扶持不離其側

渾源州續志

卷三

列女上

巽

白桂榮妻王氏夫歿無子以夫姪爲嗣奉養翁姑恪盡婦職人共賢之

熊志周妻李氏夫歿無子以夫兄子爲嗣視如己出長學武身列膠庠

白啟運妻李氏夫歿姑存氏奉養終老無子熒熒子立艱苦備嘗

范庫妻劉氏夫歿遺二子氏設法教養辛苦備至

梁棟妻王氏夫歿遺子一家徒壁立氏矢志守節茹苦服勞備極艱辛



薛士修妻梁氏夫歿翁姑性嚴氏小心敬事竟得歡  
心守節五十餘載而卒

耿彥伯妻張氏夫歿子三歲撫畜維殷白髮完貞人  
皆矜式

麻萬春妻郝氏翁姑年高家徒四壁甫生子而夫歿  
氏仰事俯畜備極艱難

李俊妻靖氏夫歿親老子幼或勸其改適氏曰吾家  
甚貧若改適舅姑與子尋將斃矣何以見夫於地  
下乎遂苦節以終

渾源州續志

卷三

列女上

卒

王玉通妻鄭氏夫歿翁姑尙在遺子一氏松筠勵志  
菽水承歡

曹經世妻王氏夫歿子幼家業中廢氏撫子成人劬  
勞備至

楊發榮妻王氏夫歿翁姑年高一子在襍氏仰事俯  
畜苦節完貞

程兆基妻穆氏夫歿子幼延師課讀饌必親檢每訓  
其子曰吾所以爲此者望兒爲讀書人耳後二子  
俱入泮



馬穎妻楊氏于歸年餘夫歿無子舅姑令改嫁氏曰  
吾生爲馬家人死作馬家鬼如不相容惟有死耳  
舅姑知其志不可奪爲立嗣焉

全維清妻牛氏夫歿令二子各學一藝子或倦歸氏  
輒怒曰家旣貧矣偷安何以爲生其苦志撫孤概  
可見已

陳龍光妻穆氏于歸時姑已守節氏朝夕奉事不敢  
失禮夫歿子幼殷勤撫育辛苦備嘗

陳九思妻程氏夫歿事孀姑撫幼子孝慈備至鄉人

渾源州續志

卷三

列女上

五

稱之

教諭栗寬繼妻張氏夫歿撫育幼子備歷艱辛白首完

貞賢齊共著

左君喜妻郭氏夫翁相繼而逝哀慟之聲聞者惻怛

養姑撫子備極艱辛

楊遵道妻白氏姑病危氏親調湯藥祝以身代夫歿  
以鍼術度日不負所天

趙氏妻高氏夫歿子亦亡氏痛夫痛子且痛無人承  
祀中爲之立嗣數十年艱苦備嘗似續賴以不



墜

姚德玉妻劉氏夫歿家貧姑老子幼氏以養親撫子  
爲己任誓不改適

馬崇德妻蔡氏夫歿義方訓子矢志靡他境愈逆而  
志愈堅芳名遠播

曹秉剛妻李氏夫歿家貧氏菽水事親薇蕨自奉堅  
貞之志鄉里共稱

孟元妻宋氏夫歿氏奉翁姑而昏定晨省自教幼子以  
耕田讀書戚黨皆矜式之

渾源州續志

卷三

列女上

三

劉居好妻李氏夫歿子甫四歲值年饑日僅一餐或  
勸其嫁氏弗答全節以終

戴國鈞繼妻李氏夫歿痛夫無子乞立夫弟子爲嗣  
撫以成立

陳鳳岐妻麻氏于歸後專舅如父事姑如母夫歿守  
節三十餘年心如金石

陳廷舉妻孫氏夫歿二子俱幼氏傭工度日蓬首垢  
面矢志靡他

戴國尊妻蔡氏儒家女也素嫻姆訓敬事翁姑夫歿



誓不改節恪守婦儀閭里稱爲閨闈完人

常上路妻楊氏于歸後善事翁姑夫歿年二十五氏

貞靜自持心堅金石

劉英妻賀氏夫歿撫畜幼子不憚勤勞貞潔爲心備

嘗艱苦

程舉妻姚氏夫歿翁病不起事之數年無少拂翁意

二子貿易每歸必嚴加訓誡

黃際昌妻金氏夫歿祖姑在堂氏事之維謹二子俱

幼雖日用維艱終無貳志

渾源州續志

卷三

列女上

五

高虔妻閻氏夫歿埋葬無資晝夜號泣哀動四隣助

葬者數十家拮据度日矢志靡他

宋佩經妻趙氏以勤苦爲舅姑所悅生子三月夫歿

氏勤苦猶是每言但願舅姑壽兒成人雖勤苦亦

所甘心

穆蔭南妻郭氏夫歿子幼延師課讀每戒子曰學生

如閨女不可輕出館門閉戶讀書乃其分也後其

子入泮

劉好德妻文氏夫歿艱辛備歷節操克全子成立孫



綿延家世蒙昌皆氏之力也

穆多儀妻榮氏夫歿翁姑在堂子二一業儒一務農  
氏勞瘁辛苦歷久不渝

耿映堂妻戴氏夫歿無子遺二女氏矢不他適苦節  
彌堅

曹盛妻劉氏夫歿家貧糶穰度日其志不移撫子成  
立

李緒堯妻季氏夫歿姑有殘疾子方三歲氏日吾若  
不立志守節姑誰奉子誰撫守節四十餘年而卒

渾源州續志

卷三

列女上

五

王秀妻蔡氏恪遵婦道孝敬翁姑夫歿苦心撫孤二  
子成立

薄士貴妻穆氏夫歿衣食維艱撫前子與已子教以  
義方子各安業

祁萬庫妻劉氏夫歿翁姑垂老子在懷抱氏養親撫  
子艱苦備嘗

熊萬銀妻劉氏夫歿家貧三子俱幼以縫紉度日撫  
孤成丁

尙親仁妻孟氏夫歿姑近五旬子甫三月氏年二十



五冰霜矢志凍餒甘心

張建忠妻柳氏夫歿侍養翁姑柏舟矢志

閻秉公妻粟氏夫歿家貧氏養親撫孤終無貳志

侯生貴妻余氏夫歿自奉儉約而翁姑日進甘旨義

方教子至於成立

鄭復銀妻王氏年二十五夫歿子幼矢志守節之死

靡他

李林妻張氏年二十五夫歿子幼撫養成立白首完

貞

渾源州續志

卷三

列女上

七

李士儒妻王氏夫歿子幼家道貧寒勤儉度日備歷

艱難

張世榮妻李氏夫歿無子以姪爲嗣不幸早亡氏自

誓守節竭力奉姑

郭士英妻毛氏夫歿遺女一嗣一子以承宗祧撫以

成立

石映恒妻康氏夫歿年二十五翁姑年五旬有餘二

子俱幼氏矢志守節艱苦備嘗

徐葉妻白氏夫歿年二十五堅貞矢志撫孤成立



白五福妻崔氏夫歿親老子幼孝慈兼盡備歷艱辛  
郭鶴妻張氏夫歿遺子亦亡家貧守節始終不貳  
熊鳳山繼妻靳氏夫歿一月後生遺腹子家道極貧  
氏以縫紉自勵撫子成立

熊偉妻麻氏夫歿養親撫子艱苦難堪終無異志  
馮愷妻楊氏夫歿心如金石節比松筠

田書田妻麻氏夫歿松筠比節金石同堅

熊名山妻徐氏夫歿氏年二十二祖姑在堂子在襁  
褓氏仰事俯畜終無貳志

渾源州續志

卷三

列女上

五

劉繼武妻白氏奉養祖姑調藥進膳夫歿子幼教養  
兼施子已成名

喬占菴妻熊氏夫歿立志守節艱苦備嘗子成立務  
農爲業

郭毓龍繼妻翟氏夫歿氏撫育前子已成而卒復撫  
幼孫成立

郭昶妻周氏夫歿年二十四奉老姑定省不怠撫幼  
子教誨成人

郭耀龍妻陸氏夫歿年二十五嗣姪爲子殷勤教誨



名列膠庠

熊世亨妻楊氏夫歿氏以再醮則難對夫於地下撫  
二子成立終身不厭糟糠

田富妻李氏夫歿氏年二十四誓不改適子幼撫以  
成立宗祀不絕

靳廉妻郝氏夫歿氏年二十四皎日盟心清風勵節  
義方訓子耕讀傳家

葛五銀妻袁氏姑壽至耄氏奉之維謹夫歿撫孤至  
於成立

渾源州續志

卷三

列女上

五

耿其輔妻李氏夫歿孀姑在堂幼子在祿家道貧寒  
而矢志靡他

郭煥妻杜氏夫歿誓不改嫁撫子成立一務農一學  
藝氏猶訓誡不懈

趙金殿妻王氏夫歿子幼粗糲度日艱苦備嘗後子  
孫成立皆氏苦節所致云

陳文秀妻侯氏夫歿子幼氏飲食教誨期其成立無  
何方壯而逝孫未歲而母亦亡氏以一身撫兩世  
之孤其苦節可知



張步陵妻楊氏夫歿敬事孀姑朝夕不懈姑歿盡哀  
盡禮以葬子幼令就傅讀書撫以成立

史尙本妻劉氏夫歿事翁姑撫幼子孝符內則節凜  
冰霜

田盈妻白氏年二十一夫歿有遺腹氏常默祝曰如  
生男吾撫孤以事翁姑如生女有死而已後果生  
男撫之成立以儒爲業

馬泰妻吳氏夫歿子一堅貞矢志教子成人馬門有  
後氏守節之力也

王之翰繼妻王氏夫歿子甫週歲氏以鍼黹度日撫  
孤成人不絕夫嗣

孫桂芳妻師氏夫歿無子立叔子爲嗣愛如己出撫  
以成立

楊汝椿妻來氏夫歿心同金石節比松筠撫嗣子寬  
嚴交濟及成立猶訓誨不懈

張震妻郭氏夫歿氏孝養孀姑茹育幼子茹荼食糲  
矢志靡他

李如春妻吳氏夫歿閨門不出壺範時凜家道貧寒



艱苦備歷

范清元妻<sup>趙</sup>氏夫歿事孀姑定省維殷撫嗣子恩義兼盡三十餘年躬親井臼志凜冰霜鄉人賢之

李秀妻鄧氏夫歿事姑克敬訓子有方經理家務晝夜辛勤其貞節爲鄉里所共欽

張全治妻趙氏年二十夫歿家貧親老女幼子孤氏仰事俯畜艱苦備嘗六十一歲全節而終

崔明元妻郭氏事翁姑甚孝家貧勤鍼黹以奉甘旨夫歿貧愈甚氏備極勤苦撫二子成立

渾源州續志

卷三

列女上

五

監生

張振霄妻薄氏夫歿哀毀骨立誓以死殉因孀姑

在堂兼無子息遂守貞待死嗣一子亦早亡氏憂傷百結與媳撫孫以延先祀

崔鴻妻李氏夫歿無子姑孀居氏親操井臼奉養二十餘年無倦色後立堂姪爲子氏全節而終

都司

李萬春妻曹氏于歸僅七月夫卽歿氏痛將自盡

旣以前子無依因矢志守貞撫以成立

王清彥妻李氏夫歿敬事孀姑善撫幼子冰霜勵節三十餘年雖飢寒交迫絕無異志



正品任多智妻張氏夫歿事翁姑甚敬治家執法尤嚴  
其二子品行端正孫丕業入州庠皆氏教養之力  
也

庠生孫國楨妻張氏夫歿柏舟矢志之死靡他

張煥文妻黎氏夫歿誓死不嫁節比松筠

師永安妻翟氏夫歿心同金石節比松筠

范世英妻石氏夫歿氏年二十一子週歲撫以成立  
七十五歲而終



